

Okrugli sto na temu obrazovanje

Danas, 29. septembra, u OHR-u je pod predsjedavanjem Prvog zamjenika Visokog predstavnika Ralpha Johnsona održan okrugli sto na temu obrazovanje. Ovaj okrugli sto je predstavljao širok presjek društva Federacije Bosne i Hercegovine. Među učesnicima su bili istaknuti predstavnici političkih stranaka, vjerske vođe, intelektualci, članovi sindikata, predstavnici nevladinih organizacija, te studentskih udruženja.

Cilj održavanja okruglog stola bio je započinjanje procesa reforme postojećeg obrazovnog sistema, koji se u velikoj mjeri temelji na etničkoj segregaciji, kao i postizanje napretka u iznalaženju novog sistema koji će se temeljiti na evropskim standardima.

OHR čvrsto vjeruje da nijednom djetetu u BiH ne smije biti uskraćeno pravo na kvalitetno obrazovanje. Obzirom da su djeca budućnost ove zemlje, pozivaju se svi građani da se uključe u ovo pitanje.

U toku rada okruglog stola razgovaralo se i o standardima obrazovanja u Evropi, kao i o najboljim instrumentima za primjenu obrazovnog sistema koji će ispunjavati te standarde i pritom štititi kompleksne identitete tri konstitutivna naroda, kao i manjinskih naroda u BiH.

Takođe se razgovaralo i o standardu kvalitetnog obrazovanja koje će zadovoljiti potrebe sve i jednog djeteta bez obzira na njegovu etničku pripadnost. Učesnici su zaključili da postoji daleko više sličnosti nego razlika, i da bi reformisani obrazovni sistem koji će se primjenjivati u budućnosti trebao omogućiti djeci da uče i zajedno i jedni od drugih u okviru zajedničkog nastavnog plana i programa kojeg je potrebno utvrditi.

Takođe je jasno da građani BiH moraju odigrati ključnu ulogu u oblikovanju budućnosti svoje djece. Ovaj okrug sto je bio prvi u nizu sličnih sastanaka koji će se održati u namjeri da se olakša ovaj proces.